



# КОМСОМОЛОНЬ ВАЙГЯЛЬ

Сембе масторонь пролетариятне, пуромода маре!

ЛИСЕНДИ III-це КИЗОСЬ

Мокшэрзянь ВЛКСМ-нь  
обкомть и Саранскаень  
горкомть газетасна

Адресс: г. Саранск, ул. Ленина 9  
телефон № 1—72

21

СЕНТЯБРЬСТА  
1936 КИЗОНЯ  
102 (338)

Лисенди ковти 12-кыть

## ИНЬ ЦЕБЯРЬХНЕНЬ КОМСОМОЛУ!

Сять материалхне, конат сашендыхть редакция ме-кольденъ пинтть, корхтайхть сянь колга, што лама райком-тне, тя пингс нинге ашезь тий одукс од ломанень ленинской союзы касоманц колга эсь работаснон.

Омбоце кварталста Шайговань райкомсь комсомолу примась 17 ломатъ; Темни-ковань райкомсь примась 19 ломатъ, Зубунь райкомсь 24 ломатъ.

Лама первичнай комсомоль-ской организациятнень эзга 1936 кизоня йофсикс ашель рост, Кадошкинань районца (райкомонь секретарь Петров ялгась) 37 первичнай органи-зациява, Шайговань районца (райкомть секретарец Фенин ялгась) 43 оргнизацияса и ст. тов.

Омбоце кварталста примаф комсомолу 815 ломатъ, эздост мокшэрзяда 320 ломатъ, стирняда 231 ломань. Кода ныйсась пяк калдыаста моли касомась коренной националь-ностьень китькска, и йофсикс афиолдамшка калдыаста стирнятнень китькска.

Шайговань, Темниковань, Лямбирень, Кадошкинань рай-комтне ашесть тий эрвикс выводт сяда тов работати ВЛКСМ-нь крайкомть и об-комть путфкснон эзда, коса азф, што 1936 кизоня II це кварталста союзы тяфгама касоманц лувф аф удовлетвори-тельностьнди.

3 це квартолонь 2 кафнень — июль, август эзда касо-мань цифратне корхтайхть станяжа сяконь колга. Рай-комтне калдыаста работайхть афсоюзнай одломатътнень и сембеда пяк стирнятнень йоткса.

Кепотьксонди, Ичалкань райкомсь комсомолу примась 7 ломатъ, эздост 2 стирнят; Дубенкань райкомсь—3 ло-матъ, конатнень эзда фкя стирня; Шайговань райкомсь комсомолу примась аныцек 7 стирнят.

Тянь должны шарьхкодемс васендакиге Теньгушевань, Темниковань, Кадошкинань, Шайговань райкомонь секре-тарьхне, што работамс сяда тов тяфта ашкда.

Сембеда вяре азфта башка, Слободань, Рузаевкань и Ка-дошкинань райкомтненьди эрвиыхть петемс сят эльбятк-нень, конат ульсть нолдафт комсомолу примамать пинг-ста. Мзярда синь комсомолу сувамода йорай цорать али стирнят кядста вешихть, штоба сон содалезе партият программани и уставонц и ст. тов.

Эряви азончнемс (разяснять) 10-це сездьт решениянзон од ломатътнень йоткса и совет-ской од ломатътнень инь це-бяръ пялкснон сувафнемс комсомолу.



МИН-КАЙСА БЕЛОРУССКОЙ ВОЕННОЙ ОКРУГОНЬ ВОЙСКАТЬНЕНЬ ПАРАДСНА  
СНИМКАСА: Ворзшалов, Буденный, Егоров, Голадей и лия ялгатне трибунаф лангоот.

## ЛЕЗДАТАМА ИСПАНИЯНЬ ГЕРОЙХНЕНЬ АВАСНОНДЫ И ИДЬСНОНДЫ!

### ФКЯ ПРОЦЕНТ КОВОНЬ ЗАРПЛАТАСТА

Краснослободск. Москувонь "Трехгорнай мануфактурань" работницатнень призывсна це-бяръста васьфть Слободань районь трудяй аватьнень мархта. Ошса, совхозса, пень-козаводса йотафтфт работни-цань, служащань, средняй школаса тонафниень и домо-хозяикань митингт. Работни-цатне и служащайхне макс-сихть фкя процент ковонь зарплатастот фашистской мя-тежникинень и интервентнень каршес тюри борцнень идь-снонды и аваснонды лездо-

мань фонцти. Домохозяйка-тнень и тонафнихненъ йоткса ярмаконь кочкамась йотафневи подписной листонь коряс. 10-ти лека школань тонафнихненъ йоткса подписной листонь ко-ряс кочкаф 100 цалковайхть. Активистка аватне решили базарса организовандамс ми-тинг, конац посвященной "Трехгоркань" работницатнень сьормаснонды сянь инкса, што йотафтомс средствань кочкама колхозницатнень и колхоз-никнень йоткса, конат сашен-цъ базару.

### Кочкаф 1000 цалковай

Ковылкино. Сентябрь 17-це шистонза районнай центра-са йотафтф работницань, служа-щань, колхозницань митинг, кона посвященной Москувонь "Трехгорнай мануфактурань" работницатнень призывснонды сянь колга, штоба максомс материальной лезкс Испанияса народнай фронтонь боецнень идьснонды и аваснонды. Ми-тингса ульсь 300 ломаньда

лама. Митингть аделамода ме-ле ушедсь лездомань фонду подпискась. Кафта частта ме-ле ни ульсь кочкаф 1000 цалко-вайхть ярмак.

Сентябрь 18-це шистонза митингт ульсть винзаводса, меленицаса и совхознень эзга. Работницатне макссихть лез-ксонди фкя процент ковонь заработкастот.

### НОРМАНЦ ПЯШ- КОЧНЕСЫ 250 ПРОЦЕНТС

Зубу. "Дубитель" заводса омбоце кизось работай дуби-тельной цехса Киселев Васи-лийсь, конац выработкань нор-манц пашкочнесы 250 про-центс.

Кда инголе сон получа-дакшнесь 75 цалковайхть зар-плата, то тани получай 220-230 цалковайхть ковоккса.

Цебяръста работаманкса Ки-селев ялгась ламоксть ка-зеньдф цебяръ подаркаса ияр-макса.

П. Конаков.

### Иляденъ аф полной средней школа

Сентябрь 13-це шистонза Косогор велеса (Б.-Березни-кань р-н) панчф оюфнень тонафнемс иляденъ аф пол-най средней школа. Школать эса 5-це и 6-це класст.

Од ломатътнень пяк ою

мьяльна тонафнемати. 3 шинь пиньгста тонафнема примафт 50 ломатъ, но синь йотксост улихть и сире ломатътке, ко-натненьди 40-нь кизот.

Школась йотафтсь ни кол-ма занятия.

А. Б.-й.

### Кяръмодсть тонафнемати

Шайгав. С.Т. ризморгаса нят шитнень эзда кяръмодсть сьормас афсодайхненъ и сьор-мас кржа содайхненъ тонаф-немаснонды.

Ликпунктнень эса улихть сатомшка учебникт, учебнай

пособият, тетрадьт, сембе лик-пунктненьди явоштфт ликви-даторхт.

Но комсомольской органи-зациясь тя тевса мезевок аф работай.

В. Каргин.

## ИСПАНИЯНЬ ОД ЛОМА- ТЪТНЕНЬ КЛЯТВАСНА

Французской комсомолть "Авангард" газетан печатлазе испанской од ломанень об-единенной организациять сек-ретарени Медранотъ заявле-ниянци. "Испанской од ломатъ-нень седисна, — сьормадь Ме-дранось, — тани пашксет энту-зиазмада, кода мзярдонга ашель. Решандакшневи минь странаньконь будущеац, ко-нанц военной кастась йорась помещикнень и реакционный партиятнень лезкснон мар-хта ваяфтомс терроронь вол-нас и веронь моряс.

Испанской народсь, сонъ пламенный од ломаненца аф йорайхть тяньди подчиня-дамс. Безграничной героизма, аф кулендемшка мужества мархта единомуднахть эсь ненавистьсост фашизмат, Испаниянь, Каталониянь и Эускадинъ од ломатътне сра-жаются тани демократической завоеванияснон арелямасост.

Генералхненъ и афицерх-ненъ — предательхненъ восста-ниясна — инь обширной сем-бенъ эзда, конатнень содасыне историясь. Но сон ули тапаф вооруженнай народть и рес-публикати вернай военной вийхненъ мархта. Народнай фронтть политикац кочказень фкя рятт неньди пролетарской, демократической и прогрес-сивнай вийхненъ.

Единствать инкса тюремась, конанц йотафтозь комсомо-льс и социалистической од ломанень союзсь Коминтер-нань VII-це конгресстъ реше-ниянзон коряс и конац пачф-тезень нят кафта организа-циятнень фкя мощнай феде-рациясь шьоворемаснон и "од ломанень фронтонь" пу-роптомати, максы возмож-ность сатомс окончательнай успех фронтса и тылса сембе трудяй од ломатътнень фаши-зматъ каршес марс тюрема таргамаснон вельде.

Испанской од ломатътне, конат няфтсть конкретнай при-мер сембе миронь од ломатъ-тнень марс пуромомаснонды ашихть тани факелкс, конац валдопнесы Франциянь, Бель-гиянь, Чехо-Словакиянь и лия странань од ломатътнень кис-нон, конатненьди станя жа гразсихть фашизматъ хищнай кенженца.

Испанской од ломатътне ма-кссть клятва, што синь тапа-сазь тя преступнай мятежть. Минь окончательнай побе-данька сембе миронь антифа-шистской од ломатътнень се-диснон пашкодъсыне радосъ-тьса.

Международнай солидарно-сть лезды тейнек сяда ку-рок покочить врагтнень мар-хта".



# КЕМЕКСТАМС КОМСОМОЛТЬ БОЕСПОСОБНОСТЕНЦ\*)

Д. ЛУК'ЯНОВ  
ВЛКСМ-нь ЦК-ть  
секретарец

Партиясь и сонь вождец Сталин ялгась тонафнесазь сембе коммунистнень, што большевикти основной качествах ащи любой обстанов-каса, любой условия врагть разоблачандамонза машто-мась, кода ба сон афоль маскированакшня. Тя относ-ится и тейнеконьге, комсо-молешненьди, кода партиять помощниконзонды.

Можна ли марьгомс, што троцкистско-зиновьевская контрреволюционная бандаста пляскад пинетнень враждеб-най фашистской действитель-ности ульсь кода йотамс ком-сомолть и од ломатнень вак-ска; можна ли утверждать, што нят элементне ашесте тяряфне организовандамс контрреволюционной и фаши-стской подполья комсомолть и од ломатнень йоткса? Ко-нечно аш кода, сяс мес кда утверждать тья—значит недооценивать од ломатнень лангс враждебнай влияни-е. С я нь колга фактсь, што нят ломатнень тяряфнесте организовандамс контрреволюционной фашист-ской подполья комсомолть и од ломатнень йоткса, сатом-шка. Тянь колга васендакигя цебарьста корхтай Горьков-ской педагогической институт-са лифтьф контрреволюцион-най группась. Аф случайна, што тя группать йоткса ульсь 7 ломатт комсомольской би-лет мархот. Аф случайна, што комсомолонь днепропет-ровской организациясы, ко-нань колга мольтф сужде-ние Центральной Комитетсь, предприятия и колхоза не-сколько первичной организа-циява тиеньшт эстиест пиза контрреволюционной элемент-не.

Кода ты лиссь? Кодама вы-водит эрявхть тиесм ня фак-тнень эзда? Содаф, што тьянь ули кода азондомс аныцек кой-кона комсомольской ор-ганизациятнень эса классовой бдительность юафтоманц мархта. Мес ялгатне юаф-тозь бдительностьснот, мезь-са, тьяса тевсь, косот туфталхне?

Туфталхне ащицхть сян эса, што нят организациятнень эса калдыддонга-калдыдвста ла-дыф комсомолешнень и од ло-матнень йоткса идейно-поли-тической работась. Тоса, кода аш минь большеви-стской идейнай работа, тоса враждебнай идеологиясь, ко-да зараза, тиеньди эстиенза пиза. Туфталхне—большеви-стской самокритикать отсутст-виянц эсот, кода ба ялан сыргозьфнелезень ломат-нень, терьнелезень сян аф-сатыкснень, и васендакигя комсомолешнень и од ломат-нень идейно-политической воспитанияса афсатыкснень, мархта аф мирендама. Именна идейно-политической рабо-тать аф йотафнемац, самокри-тиковать аф йотафнемац, семей-ственность улемац, организа-циять аф удовлетворительнай внутренней состояниац обезо-ружили комсомолонь лама ор-ганизациятнень партиять и социализмат врагонзон кар-шес тюремаса.

\*) ВЛКСМ-нь Горьковской край-комть пленумсонза выступлениастон-за кырфатф стенограмма

Мезьса ащицхть Горьковской краен лама райкомтнень, горьковской горкомть и сонь-ценъ крайкомть основной эль-бятксна, мес тьяса ашезь нят врагть действиянзон?

Тя кизефксть лангс может улемс фкя ответ: ашезь сатне бдительностьсь, ашель боль-шевицкой острота руковод-ства, кода улець ба шарффт сян лангс, штоба вешендемс врагть, разить врагть.

Аш мезь сомневандакшне-мс, што Горькай ошень свер-дловской райкомонь али горь-ковской горкомонь и нль-не крайкомонь работникне уленцть пединститутса, но ванцть аф тоза, кода эряви, нийсть аф сян мезе эряви. Мезьса туфталсь руководст-ва большевицкой острот-ать аф улеманцты?

Васендакигя, пях ламатнень передоверяндакшнетяда фкя-фкянди.

Минь большевицкой пра-виланке аф марьгондихть лишнай передоверяндакшнемс фкя-фкянди, сембеда пях, мзярда ломаньтт цебарьста аф содасак. А минь комсо-молса сидеста тиеньдихть тяфта: сась ломаньць, вар-жакстсь сонь лангзонза, ша-мац цебарь, и ванат, ни сян другт.

Омбоцесь, эряви машфтомс лишнай „ялгас улендемать“. Тевсь аф тоса, што минь фкя-фкянди марьгондьяма Коля, Ваня, Петя, Витя, Маруся али коданга лиякс, а тевсь тоса, што тьянь эшксса пях сидеста эряй пани братствась, фкя-фкя мархта семейнай сращи-ваниясь. Кой-кона ялгатне, кода няеви аф эря критико-вандазь ВЛКСМ-нь крайкомть секретаренц Белобородов ял-гать крайкомонь бюроса пях ламода аф сатомшка самок-ритикать инкса. Мон немогу марьгомс, што горьковской крайкомть руководстваса ули полной семейственность, но фкя-фкянди семейственной отношениян элементне няе-вихть.

Колмоцесь, мезе сембедон-га важна, тя — руководящай комсомольской кадрань коч-камати большевицкой отно-шениясь.

Аш мезь улець ба тьяса пленумса тьяшкава резкаяста критиковандамс крайкомть ра-ботанц, кда ба и крайкомса, и горкомса, и районга улецьхть кочкафт сяда кеме кадрат. Кода няеви практической ра-ботать лафча шиц азондови именна сян мархта, што кад-ратне аф марнек видеста кочкафт. Руководящай ком-сомольской кадрань кочкама-ти аф правильной отноше-ниясь сембедонга пях няфтезе эсь прянц комсомолонь воро-нежской обкомть работаса. Тьяса обкомть аппаратоц ульсь сорендаф классово-чуждай эле-ментса, конат кяшезь эсь прошлайснот, васькафнезь су-васть комсомолу, васькаф-незь сувасть партияв и эц-сесть руководствати. Тьяконь шовор кой-кона райкомтнень эса райкомонь секретарьк-уленцть морально разложив-шай ломатт. Мес тьяфа ли-сеньць? ВЛКСМ-нь ЦК-сь

макссь тьяфтам оценка нят фактненьди:

„ВЛКСМ-нь ЦК-сь азон-дсы, што бдительность лаф-чемоманц, самокритикань аф йотафнемац и воронежской обкомть бюронц и ВЛКСМ-нь обкомть секретаренц Грубман ялгать ширьде комсомолонь руководящай активть кочка-манцты беспечнай отноше-ниясь сюнеда обкомть аппа-ратоц сорендаф классово-чуж-дай ломаньца (обкомса ОРКО-нь заведующайсь—Се-ребрянныйсь, обкомса секто-ронь заведующайхне—Хоро-шиловсь и Прилепскийсь) а ВЛКСМ-нь кой-кона райкомт-нень эса райкомонь секре-тарькс работасть морально-разложившай ломатт (Набо-кинсь, Крючковсь, Тарановсь, Волченковсь).“

Грубман ялгась, аф ваномок ВЛКСМ-нь ЦК-ть прямой ука-заниянзон лангс сян колга, штоба расследовандас Павло-вской райононь комсомоле-цень группать райкомонь сек-ретарьт Пегасовть разложе-ниянц колга сьорманц, няфтсь близорукость и либеральнай-ста ванонц ВЛКСМ-нь башка секретарьхнень и райкомтнень ширьде аф коммунистической поведениаь фактнень лангс. Тьяфтам поведениаь мархта Грубман ялгась аф аныцек ашезь лезне большевицкой самокритикать келепеманцты, а по существу сонь люпшнесте.

ВЛКСМ-нь ЦК-сь вынужден-най ульсь примамс тьяфтам решения сяс, што минь не можем кырдемс руководя-щай комсомольской кадрань кочкамати и воспитаниянц ротозейской отношения. Во-ронежть колга ВЛКСМ-нь ЦК-ть решениянц эзда эрь комсомольской организация эряви тиесм эсьтиенза соот-ветствующай выводт.

Следствательна, главнайсь, кда корхтамс горьковской край-комть и горкомть эльбятк-снот колга, ащи сян эса, што сян ашезь сатне клас-совой бдительностьсна, што сян работасть аф большеви-кск оржаста.

Мзярда враждебнай рабо-тань фактне арасть содафокс, эряволь правильнайста оце-нить сян и арьсемс органи-зационно-политической меро-приятия, конат улецьхть ба шарффт од ломатнень йотк-са работать цебарьфтоманц-ты. Эряви азомс, што аф сем-бе тьяса ульсь видеста тийф. Кда корхтамс свердловской и сормовской райкомтнень и горьковской горкомть колга, то сян лоткасть сян лангс, што распустили пединститутса комсомолонь комитетть и аф удачнайста кочкасть од руко-водства. Саты аныцек няф-темс, пединститутонь сормов-ской филиалса комсомолонь комитетти секретарькс коч-касть ВКП(б) нь рятнень эзда валхтф ломань.

Но вов пуроптоде крайко-монь пленум. Самокритика сонь эсонза ашеле мольтфе. Решение примате аф виде: „лувомс цебарьненьди крайкомть бюронц решениянц“, конань

аф содасазь комсомолешнень; „фкя-фкянь мархта мнениян поллафнемац коряс терьдемс бдительность кастомонза“, а мнениян кодама поллафне-маса—тяфта жа аф содаф комсомолешненьди. Мезь лан-гса жа келсемс бдительность? Крайкомть бюронц аф содаф решениянц лангса и аф содаф мнениян поллафнемац коряс?

Вов мес ВЛКСМ-нь ЦК-сь ульсь вынужденнай примамс тьяфтам решение: „Азомс ВЛКСМ-нь горьковской край-комти, сонь секретариатонцты, што горьковской крайкомть мекольдень пленумонц реше-нияц вузга и техникумга ком-сомольской организациять ра-ботамаса кизефкснень колга ащи аф сатомшканьди комсо-молешнень идейнай вооруже-ниясноты и партиять врагон-зон колга сян бдительностьс-нот кастомс.“

Марьгомс горьковской край-комти одукс ваномс тя реше-ниянц.

Тьянь шовор ВЛКСМ-нь ЦК-сь критиковандазе и омбоце ре-шениянцке, конань примосезе крайкомть бюроц пленумда меле. Крайкомонь бюроста ялгатне, конат, кода няеви, ульсь аф довольнайхть пле-нумть решениянц мархта, ли-фцть десятка выговорхт, стро-гайхть и простойхть. В част-ности, ульсь азф выговор Ло-патина ялгати, свердловской райкомть секретаренцты, „ра-ботасонза няфтьф близоруко-стенкса, кода лездсь институ-тса врагти мольтфемс контр-революционной работа“. Ло-патинать каршес обвинениаь лифцть серьезнай, сян эса, што сон „лезнесь врагти“. Но арьсесть тиньць, ништа можна ломаньтть, кода лезды врагти кадомс партияв, комсомолу, а аф аныцек руководствати? Аф шарьхкодеви ли, што крайко-мсь тьяса перехлестнул, няф-тсь ложнай бдительность. И тя решенияське, ЦК-ть указа-ниянц коряс, ульсь одукс ванф.

Мезьса жа всекты азондомс комсомольской руководствать тьяфтам поведениаь?

Тьяфтам поведениаь азон-чнени сян мархта, што кой-кона руководящай комсомоль-ской работаньке недооцени-вают од ломатнень лангс враждебнай влияниаьнень опасностснот; аф маштыхть ня враждебнай влияниаьнень каршес тюремать пуроптома.

Сяс васеньцесь, мезе эряви тиесм тя пленумти, тя—при-мамс стама решение, конань улець кода ба кочксемс Горь-ковской краен эрь первичнай организациясы, кода могла ба кепедемс организациять од ломатнень лангс враждебнай влияниаьнень каршес тюре-ма, сяс мес тейнек эряви лама работамс сян инкса, штоба разоблачандамс врагть и кя-ромс од ломатненьди молема сонь кинц. Штоба тьянь сатомс эряви сяда цебарьста органи-зовандамс минь большеви-стской партияньконь историянц тонафнеманц, партиять гене-ральной китьксонц сембе вра-гонзон каршес сонь тюреманц историянц.

Ламот активистнень эзда, аф корхтамок ни комсомолеш-нень колга, сувасть комсомолу

нили-вете кизода тьяда инголе, лиякс азомс, эста, мзярда пар-тиясь ни страфтокшнезе троц-кистско-зиновьевской банда-те, эста, мзярдани партиясь стра-фтозе види ширьдены оппози-циять. Можна балтандамс бди-тельность колга, ювачнемс: сяда лама бдительностьта, но партиять историянц апакодак-тон улят болтун, а аф партиять линиянц инкса идейно воору-женной боец.

Бдительностьсь ломатнень апакодак—тя миф. Кодама ни, тьяса бдительность, кода ломатнень аф содасайть! Мес крайкомти, кепетьксоньди аф ваномс, кода райкомтнень секретарьсна содасазь од ло-матнень башка колхозга, сембедонга пях тоса, кода аш первичнай организациять? Кода тинь кепсесазь бдительность тоса, кода аш комсомолонь первичнай организациять? Кие тоса работай од ломатнень мархта, кие сян политически воспитандакшнеснот? Тинь отвечатада од ломатнень политической воспитанияснот инкса. А мзярда Горьковской краен тьяфтам колхозга,—по-жалы, пяселсна, кода аш ком-сомолонь первичнай органи-зациять.


Вов минь йотафнеськ XXII-це Международнай юно-вской шить. Тя ульсь пар-тияти преданностень виде-ксонь грандиознай, оцю демон-страция. Советской од ломат-нень тя демонстрациясна ня-фтезе сембе врагтненьди, што од ломатнень молихть парти-ять мельга кеместа, аф шерь-фтевица, што од ломатнень партиять и родинаснот инкса анокт максомс эряфснот, и не одобровать врагтненьди! Но аш ли кой-коса васток-ва-сток стама суксат, конат си-воньцазь минь од ломанень-конь шумбра теланц?

Тейне савсь улемс Моло-товть лемса автозаводса. Кор-хнень мон марса райкомонь секретарьт Сорокинть марх-та активистонь группа мархта. Мушендтама тьяфтам факт: фанернай баракнень эса эряй-хть лама од ломатт. Ня ба-ракнень ламотнень крышасна кольгитхть, ламотнень вальма-васт вармась уфай. Тьяни вар-маньясь та якшама уфай, пи-земсь кельме моли. И эвон-дакшни од ломатнень эса естественнай недовольствань настроение. Дряй обязатель-на, штоба пиземсь крышать пачк шудель? Дряй обязатель-на, штоба вармась уфаль валь-матнень пачк? Аф обязатель-на тья.

Кда тинь йоратада улемс цебарь, чуткай руководи-телькс и правильнайста поли-тически воспитандакшнемс од ломатнень, тинь должны пуютомс эстиентть целькс, што-ба общежитиятнень эса афоль уль фкявок варяв крыша, штоба афоль уль фкявок ко-лаф вальма. И эсь собствен-най кяденьтнень мархта лез-домс тьянь эса од ломатнень-ди, организовандамс сян тья-тевити. Эста од ломатнень марь-гитхть: „Вов действительна ком-сомол, вов сян ломатнень колга сталинской заботасна“. А кда минь тьянь тинь марх-тонтт аф тийсаськ, сай кивон



## Шайгавса работайхть эшеняста



СНИМКАСА: Е. В. Панькин сярдись Инсарань больницы одс ланьчф хирургической отделения-сонза.

### Кальдявста васьф тезень идьтнень

Зубу. Каргалонь школать учениконза арьсекшнесть, што од тонафнема кизоста школасна васьфцые синь цебарь, чистай, валда класса, тонафнемати цебарьста аноклафста.

Но тяфта ли видекас ащи тевсь? Аф тяфта. Идьтнень ученикнень арьсемасна юмась тяфгак. Школась кальдявста аноклась тонафнема од кизоти, нльне ашезь тий ремонтка и партатневок ламода аф сатнихть. А пеньге фкявок полена апок аноклак. И. К.

### Аноклафста Васьфтезь тонафнема кизоть

Шайговань полнай средняй школась аноклафста васьфтезе тонафнемань од кизоть. Школась цебарьста ремонтировандаф. Улихть сатомшка учебник, учебная пособия, аноклаф сатомшка партат, пеньга и сатнихть преподавательневок.

В. Каргин.

### Кемекстамс комсомолть боепособностенц

(ЛУК'ЯНОВ ЯЛГАТЬ ВЫСТУПЛЕНИИЦ ПЕЦ)

враждебной ломатьнень эзда, нийсы, што ащи цюранась востонц лангса, крышаста шу-ди, вальмава уфай, и ушеды: „Ага? Шуди, уфай? Пичаво, марьги, аф ты нинге ули... „А комсомолешенькя минь ты пингова кармайхть якама и корхтам: Сяда вярй бдительность!“

Следовательно, эряви сембень тиёмс сянь инкса, штоба тейнек содаф враждебная влияния фактнень лангса кепедемс, вооружандамс комсомолешень нят явленияхть каршес тюрема. Вооружандамс, и васендакига руководящий активть, партия историчань, партия эсь врагонзон каршес тюреманц историчань содамани мархта. Эряви путомс кизефксть бдительность колга посущество, ломатьнень, синь настроения-нон содамаснон, и эрь советской од ломаньт мархта политической работат цебарь-

ВЛКСМ-нь од уставть коряс, кона кемокстаф ленинской комсомолть всесоюзной Х-це с'едсонза, примосевихть комсомолу сембе аноклаф, проверенной, тевса эсь преданостнон доказавшай од ломатьне, конат йорайхть сувамс комсомолу, примосевихть сразу комсомолонь членкс, ванфиемок кандидатской стажть анышек сятненьди, конат йорайхть сувамс комсомолу, но тынды нинге аф марнек аноклафг.

Тяда башка од уставть коряс примсевихть 15 кизоста с'явомж 26 кизоньди модемс возрастонь од ломатьне. Но ты йофсикс аф корхтай сянь колга, штоба комсомолу примосемс огульна сембонь. Эрви комсомолу примосемс Ленинонь—Сталинонь партия теванцы преданной од ломатьнень, конат проверяфт работаса и няфтезь социализмат тиемаса тевти эсь „преданностнон практической работаса. Од уставса с'юрматф, што „комсомолонь членкс примосевихть передовой, проверенной, советской власти преданной од ломатьне“ (ВЛКСМ-ть уставста, кона примаф 10-це с'ездса).

Тя статьяся няфнесась Шайговань райкомть работанц (райкомть секретарец Фенин ялгась), кода синь работайхть аф союзной од ломатьнень мархта. Кода райкомсь тиезе одукс эсь работанц, комсомолу примать колга ВЛКСМ-нь 10-це с'ездть решениядонза меле?

ВЛКСМ-нь Х-це с'ездта меле йотась ни 5 кофт, и нят вете кофнень пингста райкомсь примась комсомолу 38 ломать. Тянь эзда можна ни шарьхкодемс, кода райкомсь тиезе одукс эсь работанц ВЛКСМ-нь Х-це с'ездть решениязон коряс. Тяда башка райкомсь аф содасыне комсомольской возрастса стажановецнень, ударникнень, конатнень йоткса эрволь васендакиге организовандамс

гофтоманц китькса. Эрви хть кемекстамс комсомолонь первичнай организациянень, кода основань основатьнень. Сяс мес разболтанной организация мархта, аф дисциплинированной организация мархта, кода корхтась Косарев ялгась, од ломатьнень образовенияса и коммунистической воспитанияса задачатне тейнек аф пашкодевихть.

Правильная лифтемс урокнень—ты значит нолдамс тевть вярй куцема руководством сембе звенатьнень эса, сембе первичнай организациянень эса, штоба сяда оржаньста отражандакшнемс врагть, сяда кеместа шавомс недостаткнень ланга, келепнемс оолшевиетской самокритика, абеспечендакшнемс минь од ломаненьконь коммунистической воспитаниясн и образованиясн колга сталинской указаниянень и ВЛКСМ-нь Х-це с'ездть решениязон,

воспитательная работась синь комсомолу примамаснон колга.

Районца сембоц 66 первичнай комсомольской организации. А ростсь, комсомолу примамась мольсь анышек 23 первичнай комсомольской организациитнень эзга, лисеньди, што 43 первичнай организациитнень эзга, марнек 1936 кизоня ашесть примафкявок ломань комсомолу. Ты нинге весть корхтай сянь колга, што ВЛКСМ-нь райкомсь кальдявста нинге работай комсомолу примамать колга афсоюзной одломатьнень йоткса.

Штоба сяда лацкас няемс кода мольсь комсомолу примамать колга тевсь, с'ясась башка эрь кварталть, и мзяра 1936 кизоня башка эрь кварталста примаф комсомолу:

1-це кварталста, сембоц примаф комсомолу 32 ломать, эздост мокшеда 4 ломать стирняда 6 ломать;

2-це кварталста, сембоц примаф комсомолу 17 ломать, эздост мокшеда 5 ломать; стирняда 5 ломать.

3-це кварталста, сембоц примаф комсомолу 21 ломать, эздост мокшеда 8 ломать, стирняда 7 ломать. 1936 кизоня сембоц примаф 70 ломать, эздост коренной национальностьста 17 ломать, стирняда 18 ломать.

Кда кальдявста вообще тевсь ащи, коренной национальностьтнень од ломатьнень комсомолу примамаснон колга нингя сядонга кальдявста лацкаф тевсь.

Тянь кемокнесы тяфтама фактс: 1936 кизоня тяфтама вом мокшень оцю велетнень кода Вертелимсь, Теризморгась, Лемдйсь и лиятнень эзда ашесть прима комсомолу фкявок ломань.

Шайгавань районца комсомольской возрастса тьожатт колхозник, лама стахановец, ударник; 150 ломать тракторист; 88 ломать од учительхть; 21 ломать счетовод; Тьожаньда лама ломать ПСС-нь, НСШ-нь учащайхть. Вов вдь ростонь базась, нят ломатьнень йоткса эрволь и работамс шайговань комсомольской организации.

Аш месь корхтамска, вдь эряви шарьхкодемс, што аф общай валхт вешевихть райкомть ширьде, кона сидеста лифни общай рассуждениян пуктс: „усилить работу“, „развернуть“, „предложить“ и ст. тов., афсоюзной од ломатьнень йоткса тевсь эрволь ладамс станя, штоба эрь шиня мольфтемс политико-воспитательнай работа и васендакиге эряви изучать ленинской комсомолонь всесоюзной 10-це с'ездть решениязон.

Лама первичнай комсомольской организациява комсомолешень и нльня комсоркне, синь кальдявста содасазь ВЛКСМ-нь 10-це с'ездть решениязон. Аф содасазь од уставть и программат, а тяста эряви шарьхкодемс, кода кармай разяснять комсомолешень од уставть и программат колга афсоюзной од ломаньтти, кда сонць мезевок аф содай. Тяда меле аш месь дивандамска, мзярда кой-кона од

ломатьне якайхть видеста ВЛКСМ-нь райкомти и зняльди хть, штоба райкомсь синь прималезень комсомолу. Тяфта вом С.-Шайгавста якасть райкому Радайкин, Якимаскин, Налдин ялгатне. Сашендсть Сарга велеста, кода комсоргокс ащи Алямкин ялгась. Ты сембе няфнесы сянь, конашкава кальдявста кой-кона первичнай комсомольской организациине работайхть.

Йофсикс афнолдамшка лафчеста мольфневи работась стирнятнень и од аватьнень мархтс. Тянь кемокнесы ся фактс, што 1936 кизоня, Лиякс азомс 7 ковань пингста, примаф комсомолу анышек 18 ломать. Эряви азомс видеста, што работань ты важнейшай участкась нолдаф эсь отям молемати.

Сембе вярй азфта башка первичнай организациянень эзга улихть и тяфтама афнолдамшка тефт, кода кой-кона первичнай организациитнень эзга лама пингс моринуют комсомолу примамать колга заявлениянень ванондомаснон.

Вов Теризморгань первичнай комсомольской организацияса комсомолу сувамат колга Куршинь, Погаевть, Тардаевть заявлениясна ашесть апок ванондт 7 кофт. Вертелимонь первичнай организацияса (комсоргс Вельматов ялгась), ты пингс ашезь ванонда Коновалова Екатерина, МТС-нь инь цебарь трактористкаты заявлениянц комсомолу сувамат колга; Шайговонь первичнай организацияса лама пингонь молемок, коданга „аф муйхть“ пинге ванондомс Сидоркин ялгать заявлениянц комсомолу сувамат колга.


Теризморгаса, Паркина Ламойкина ялгатьнень, колхозонь инь цебарь ударничатнень—звеньеводкатнень заявлениясн комсомолу примаснон колга моринуют лама пингс, и ст. тов. и ст. тов.

Мезенкса вярй азфсь корхтай? Да сон нинге и нинге весть кемокнесы ся фактс, што ВЛКСМ-нь райкомсь афсоюзной од ломатьнень йоткса политико-воспитательнай работа мольфни вообще.

Аш кода йотамс вакса и тяфтама тевть, кода комсомолу одс примафнень и кандидатокс примафнень мархта работась.

Лама первичнай организацияне лувонцазь станя, кда од ломань примаф комсомолу то сонь мархтонза аш месь ни работамска. ВЛКСМ-нь райкомти стама корхнематнень каршес эряви мольфнемс инь кеме тюрема, аф юкснемс одс примафнень фкявок шис, организовандамс йоткост эрь шинь систематической работа, синь содама шиснон, сембеда пьак политической содамашиснон касфтоманц колга.

Райкомти станя жа эряви вишкюптемс работась афсоюзной одломатьнень йоткса сят колхознень эзга, конатнень эса тачимс аш первичнай комсомольской организацият. И инь куронон пингста кярьмодемс, нят колхознень эса первичнай комсомольской организациинь пуроптомати.



СНИМКАСА: Азизбековть лемса нефтань промыслась. (СОЮЗФОТО).

### Студентне сувайхть комсомолу

Саранск. Комсомолонь 10-це с'ездта меле фельдшерско-акушерской школань студентнень пьак кассь мялсна ленинской комсомолонь рядтненьди сувамат.

Студентнень эзда 30 передовой од ломать макссть заявления комсомолу, конатнень анокламомс кемекстаф политически грамотнай комсомолеш.

И. Белов.

Саранскань Мокшэрзянь педтехникумонь студентне комсомолу сувамс макссть 45 заявления, конатнень анокламос комсомолонь комитетс станя жа кемекстась грамотнай комсомолеш.

Галкин  
Бояркин.

### УШЕДСТЬ ТОНАФНЕМОСТ

Малав велеса кизонь перьф с'юрмас аф содай и с'юрмос кржа содай ломатьне ашесть апок тонафнек. Велень руководителхне и комсомольской организациясь лувондсазь ты оцю тевть сезоннай тевкс, а вдь сон аф сезоннай.

11 тияи, сентябрь 10-це шистонза меки ушедсть с'юрмас аф содайхнень и с'юрмас кржа содайхнень тонафнемаснон организовандамонза. Велеса 510 с'юрмас аф содай и с'юрмас кржа содай ломань. Тяниень пиньгть синь эздост фатяфт тонафнемаса 185 ломань. Маластонь пиньгть сембе с'юрмас аф содай и с'юрмас кржа содай ломатьне улихть фатяфт тонафнемаса. Липунктненьди рамафт: керосин, тетрадь и лия пособи-ят.

И. Велькин.

### Самодетельностень вечер

Саранск. Штоба сяда цебарьста ладямс культурно-массовой работат студентнень йоткса мокшэрзянь педтехникумонь профессиональной комитетс рамась цебарь гармошка 500 цалковайда.

Сентябрь 17-це шистонза йотафтф самодетельностень васенец вечерсь.

С. Мокша



## Конституциять проектонц обсуждениянц йотафтозъ формальнайста

Нинья июнь ковста Мамангина (Рыбкинань р—н) пуропнест марстонь колхознай пуромкст од Конституциять проектонц обсуждандаманц колга и тьяконь мархта аделавсь сембе обсуждениясь. Тяфта жа „обсуждандасть“ конституциять тьяка жа вельсоветонь Халычевка, Васильевка поселкатнень эсовок. И нят общай докладне тиеньдфт анычек васень шитнень, а тоса тятевть сембень лоткафтозъ. И тья положениясь вельсоветъ председателенц Мальбинтъ аф беспокоиндасы.

Мамангина вельсоветъ Конституциять проектонц обсуждениянц колга ашезь организованда предложениань кочкама и нльне мярьгсь, што „минь аш кодамовок добавленияньке и измененияньке. Минь сонь примаськ сембень.“ Председательсь корхтай, што „минь колхозникне и единоличникне „отсталайхть“, „неграмотнайхть“ и кодама

предложеният могут улемс синь ширдест.“ Тятя корхтай сянь колга, што вельсоветъ сталинской од Конституциять проектонц обсуждениянцты нежедьсь формальнайста бюрократическайста. Вельсоветъ председателец Мальбинц видеста корхтай, што синь Конституциять проектонц обсуждениянц кунаракия аделахъ ни.

Эряви азомс, што, тьяфтам „обсужданиять“ эзда колхозникне и трудяй единоличникне Конституциять проектонц аф содасазь.

А кия кеми райисполкомъ и сонъ председателенцты Чалдаевти, што сон организовандакшнесы Конституциять проектонц обсуждениянц, кда эсь органцонза районнай газетат лопаширензон эса кунара ни лоткафтовсь Конституциять проектонц обсуждениянц колга материалонь нолямась.

В. Дружинин.

## Конституциять проектоц нинья апак обсуждандак

Саранск. Мокшэрзянь коммунистической вельхозяйственной школы улихть одс примаф студент, конат нинья тья пингс аф содасазь сталинской од Конституциять проектонц.

Но аф ваномок тьян ланкс,

## Конституциять проектонц содасазь кальдявста

Саранск. Мокшэрзянь педтехникумонь ламоц студентне тья пингс калдявста содасазь Советской Союзонь основной законть—сталинской од Конституциять проектонц. Мезе, йотай тонафнема кизоня фкя марстонь пуромксса обсуждениянц. Конституциять проектонц, д эста ламоц сонъ

афи шарьхкодезь, а одукс ашезь обсуждандакшне.

А одс примаф студентнень эзда ламоц йофсикс сонъ аф содасазь.

И комсомольской организациясь тья пингс аф и арьситьян колга.

Г. Б.

## Рыбкинань райпочтаса юриясть безобразиятне

Аф вестни ульсь сьормадф Рыбкинань райпочтат колга, што тоса панжи безобразиясь, конань возглавляет сонц почтань заведующайсь Учкинцъ. Сянь васи, штоба машфтомс безобразиятнень, сон нинья сядонга виияфнесыне. Сон почтань аппарати кочкась стама ломатъ, конат почтань работати афспособнайхть.

Васендакия сави азомс телефонть и телеграфъ колга. Кда теенть срочна эряви звонямс телефонца, то сави учемс пялень част, штоба корхтамс эрявикс васт, а кда пяле частта меле кармат корхтамъ, то сияк кулят кемончка „кончили?“.

Трудна шарьхкодемац телеграммат, конань примасазь почтань телеграфисткатне.

Мес тяфта?

А сяс, мес телефонисткатне и телеграфисткатне специальнай тонафнема не получали—оса ащихть аф граматнай стирь шабанят, а Учкинцъ ке-

нярьдсь сяс, што шабатне пелихть эздодонза и кржа теест эряви зарплатада.

Кда варжаксттама почтань аппарати, то нят оцю вредительства и безобразият. Экспедициян заведующайкс работась Креховсь, кона кочкась газетатнень инкса ярмакт, но подписчикненьди газетат истъ пачфне, а ярмактнень савондezenъ эстеенза.

Мезе ванц почтань заведующайсь Учкинцъ?—Сон содаз Креховъ тевонцъ, но мезевок изъ кашторда, а кяшендезе эсь пацанзон алу, но Креховъ безобразиянц курокста подписчикне лифтезь ланкс и Креховъ арестовандазъ и сязовъ терюнай заключениас.

Кие тьяни работай Креховъ вастс?

Работай сонъ жа ялгац Савкинцъ, кона эсь пинкстонза

## ШКОЛАСТА КУЛЯТ

### Нинья апак строяк

Зубу. Кунара ни Анаю велеса ушедф строямс школы здание, но сон тья пингс нинья апак аделак. А зданиять тиемац эряволь аделамс сентябрь 1-це шини самс. Мес апак аделак школу строительстваз азф срукти? А сяс, што строительстват молеманц ланкс кивок аф ваны: аф вельсоветъ (председательсь Косов), аф школу директоръ Егоровсь. Школань строяхне работам лисендихть позна, а улендсть шит синь нльне работамовок ашесть лисенде.

### Цебяръста тонафнемати аш условият

Рыбкина. Вов ни курок йотай ков, кода школатнень эса ушедсь тонафнемась, а башка школатнень эса нинья апак тийхть ремонт.

Кепотъксонди сязомс Малавонь школу (зав. Ермаков), коса тья пингс апак тийхть ремонт, апак ремонтировандакт паратне, аш омбонь крда вальмат. И вельсоветъсь тья тевса мезевок аф тиеньди.


Сяда калдяв нинья тевсь учебниконь колга. Пяк ламода афсатнихть учебникне, апак аноклакт пенгатак, Ефа.

### Кода сядат тов тонафнемс?

Вертелимонь аф полной средней школы (Шайговань р—н) тонафнемань од кизоти ашезь анокла.

Васендакия, школаньди строяхть од здание, конань тья пингс апак аноклакт, а арьсефоль анокламс вдь сентябрь 1-це шиницты, а сон октябрьте аделамска улема аф кенери.

Тяда башка школы пяк ламода аф сатнихть учебникне, а тетрадьсна ученикнень йофсикс аш. Ученикне сьормачнихть кагод пакшка ланкс. Шакир.



СНИМКАСА: мятежники танкс, конань сязовъ правительственной войскактне медлин фронтса.

## ИСПАНИЯСА ВОЕННО-ФАШИСТСКОЙ МЯТЕЖСЪ

### Талавератъ маласа мятежникинень наступления чя лоткафтф

Лондон. 16 „Таймс“ английской газетат мадридонь корреспондентоц азондоманц коряс мятежникине Талавератъ районца кода няеви, лоткафтозь эсь действияснон. Правительственной войскактне угрожают мятежникиненьди кафцке фронттнень эзда. Корреспондентъ валонзон коряс Талавератъ эзда север шири вастъ улихть пяк цебяръ позиция оборонанди. Ките, конат молихть Мадридста максихть возможность вишкста йордамс подкрепление любой угрожаемой пункти. Корреспондентс подчеркивает, што

тактической преимуществас тья сектора марнек правительственной войскактнень ширеса. „Таймс“ газетат корреспондентонц азондоманц коряс мятежной генеральсь Франкосъ аноклактни решительнай действияненьди югса. Франкосъ пуроптсь тьожатат марокканской войскакт и тонафнеф доброволест Сан-Рокса, Гибралтаръ маласа. Мекольдены пингтъ Сан Року сайхть полевой и горнай артиллерият. Арьсекшихть, што мятежникине маластонь кафта недаятнень пингста тьяфтыхть „фатямс Малагаты.“

### Сиерра Моренаса мятежной очагъ машфтомац

Мадрид, 15. Сиерра Морена пандтнень эса 30 километра вельф Андухартъ эзда (кода ащи Гвадалквивир ляйтъ берягсонза, аф ламода Монторода вьре) тья пингс уленцъ мятежъ изолированной очагоц, кона характеронц коряс лятфнелезе толедской Алькасарть: 300 гражданской гвардеец кяшенцъ тоса марса семияснон мархта скалатъ эса высеченнай церкватъ пот-

моса. Исяк синь сдались республиканецненьди тьяфкаччезъ: „Шумбра улеза республикась!“ и азозъ, што ульсть васькафтф эсь офицерснон мархта, однако ниле ломатъ фашистской командованияста ашесть йора молема и лядыхнень примерснон коряс и тийсть баррикадат церкватъ молатъ алдонь кинзон эса.

### Германиянъ авиациясь служай испаниянъ генералхненьди

Нью-Йорк, 15. „Нью-Йорк Таймс“ газетат корреспондентонц валонзон коряс, кона ащи Касересса Франко генераль штабсонза, анычек германиянъ самолетне максихть возможность фашистской мятежникиненьди инголи шаштомс.

„Касерессъ—сьормады корреспондентс,—тять оцю воздушнай база, кона пашкодф германской летчикнень мархта, конат бомбардировандакшнесазъ Мадридъ и атаквандакшнесазъ правительственной самолетнень.“

### Сан-Себастьянцъ эвакуировандаф

Лондон, 14. Сан Себастьянцъ эвакуировандаф. Ошсь заняф фашистской мятежникинень мархта. Эряйхнень оцю пялкссна и ошть арелянза тушендсть Бильбаов и лия ошеза запад шири Сан Себастьянтъ эзда.

Отв. редакторъ полафтыец И. Е. КАЗАРИН

Уполномоч главлито № Д—821. Заказ № 3167. Тираж 2100  
Саранск типография „Красный Октябрь“ Мордгиза

Я. Пинясов.